




ՌԻՍԱԿՈՐԻՉ



ԿԵՂԵՑԻՆ ՏԱՆ ՄԷՋ



Գ. ՏԱՐԻ, ԹԻՒ 1, ԴԵԿՏԵՄԲԵՐ 2019

ԳԱՆԱՏԱՅԻ ՀԱՅՈՑ ԹԵՄԻ ԱԶԳԱՅԻՆ ԱՌԱՋՆՈՐԴԱՐԱՆԻ ԿՐՕՆԱԿԱՆ ԱՄՍԱԹԵՐԹ

ԱՌԱՋՆՈՐԴԻ ԽՕՍՔ

ՀՈԳԵԻՈՐ ՄՏՈՐՈՒՄՆԵՐ

«ԱՆՊԻՏԱՆ ԾԱՌԱՆԵՐ ԵՆՔ...»



Յիսուս իր աշակերտներուն կը բացատրէր, թէ ինչպէս պէտք է ներել նմանին, երբ յատկապէս ան խորապէս զոջայ իր կատարած սխալին համար:

Ան կը զգուշացնէր, որ երբեք չդատապարտենք ու չյանդիմանենք մեր եղբորը, երբ ան մեղքի կամ սխալի մէջ է: Հնդիակառակը, ուղղութիւն տանք, որպէսզի ան սրբագրէ իր կատարած սխալը, ապա, մեզի կը փայ միայն ու միայն ներել իրեն: Առաքեալները այս բացատրութիւնը լսելէ յետոյ, կը խնդրէն Տիրոջմէ որ աւելցնէ իրենց հաւատքը:

Յիսուսի պատասխանը շատ պարզ ու յստակ կ'ըլլայ.- «Եթէ մանանեխի հատիկին չափ հաւատք ունենաք՝ լեռներ կը տեղափոխէք ու հրաշքներ կը գործէք:

Հետաքրքրական է, որ Յիսուս նման պատասխանէ մը յետոյ, կը խօսի այս անգամ ծառայի մը պարտականութիւններու մասին: Ան կ'ըսէ.- «Ենթադրենք, որ ձեզմէ մէկը ծառայ մը ունի, որ հողագործ է, երբ ծառան դաշտէն տուն վերադառնայ, Տէրը կ'ըսէ՝ իրեն.- «Շուտ գնա, ճաշդ կեր», թէ՛ «Պատրաստէ՛ ընթրիքս եւ սպասարկէ՛ ինծի»: Շարունակելով Իր խօսքը՝ Ան կ'ըսէ.- «Կը կարծէք որ Տէրը երախտապա րտ պիտի ըլլայ ծառային. բնականաբար՝ ո՛չ»: Ծառան ընդամենը իր պարտականութիւնն է որ կը կատարէ: Ան պարտաւոր է մշտապէս ծառայել իր տիրոջ: Տէրը երբեք ծառային շնորհակալութիւն չի յայտնէր իր հրահանգները կատարելուն համար:

Նոյնպէս ալ մենք Քրիստոսի ծառաներն ենք մեր ամբողջ կեանքի ընթացքին եւ բնականաբար պէտք է կատարենք Անոր ըսածները: Պէտք է կատարենք այն ամենը՝ ինչ որ Ան մեզ պատուիրած է: Մէկ խօսքով՝ պէտք է կատարենք Անոր կամքը, ոչ թէ՛ Իր գովասանքին արժանանալու համար, այլ ընդունելու Անոր ողորմութիւնն ու շնորհքը:

Մենք իբրեւ քրիստոնէայ անհատներ, նոյն ձեւով պէտք է վարուինք մեր նմաններուն հանդէպ: Չուրախանա՛նք մեղքի մէջ ընկղմուած մարդուն համար, ընդիակառակը ճաբայ ցոյց տանք, ձե՛ռք երկարենք՝ օգնելու անոր, Բարի Սամարացիին նման:

Հաւաքտով զօրացած կատարենք մեր պարտականութիւնները ազգային թէ՛ եկեղեցական, առանց ակնկալութեան: Այն ինչ որ կը կատարենք հայրենիքի, ազգի, եկեղեցոյ համար, ընենք առանց ակնկալութեան, նոյնիսկ առանց շնորհակալական խօսք մը սպասելու:

Եկէ՛ք ուրե՛մս, հաշուետուութիւն կատարենք, թէ անցնող տարուան ընթացքին ի՛նչ ըրինք մեր ընտանիքին, ազգին, եկեղեցոյ եւ հաւաքականութեան համար: Կրցա՛ նքտալմերունեցուածքէն, մտքէն, ժամանակէն եւ կարողութիւններէն՝ առանց ակնկալութեան, իսկ եթէ այո՛, մեզի կը փայ միայն ըսել.- «ԱՆՊԻՏԱՆ ԾԱՌԱՆԵՐ ԵՆՔ, ինչ որ պարտաւոր էինք ընել ըրինք»:

ԲԱԲԳԷՆ ԱՐՔԵՂԻՍԿՈՂՈՍ ԶԱՐԵԱՆ



«Եւ արդէն մանուկ հասակէդ գիտես Սուրբ գիրքերը, որոնք զօրութիւնը ունին քու միտքդ իմաստութեան բանալու՝ որպէսզի Քրիստոս Յիսուսի հաւատաս եւ փրկուիս:

Աստուծոյ ներշնչումով գրուած բոլոր Սուրբ գիրքերը օգտակար են՝ թէ՛ ճշմարտութիւնը ուսուցանելու եւ թէ՛ սխալը հերքելու, մարդս ճիշդ ճամբու մէջ դնելու եւ արդար կեանքի մը դաստիարակութիւնը տալու համար. որպէսզի Աստուծոյ նուիրուած մարդը կատարեալ ըլլայ եւ պատրաստ՝ ամէն տեսակի բարի գործերու»: (Բ. Տմ 3.15-17)

«Ձանա՛ Աստուծոյ աչքին ընտիր ըլլալ, այնպիսի մշակ մը՝ որ իր գործերուն համար ամչնալիք բան մը չունի, որպէս մէկը՝ որ ուղիղ կերպով կ'ուսուցանէ Աստուծոյ ճշմարիտ պատգամը»: (Բ. Տմ. 2.15)

«Եթէ հաւատարիմ փառք իմ ուսուցումներուս՝ ճշմարտապէս իմ աշակերտներս եղած կ'ըլլաք» (Յհ 8. 31)

«Ես ձեզի փոխանցեցի այն հաւատքը որ նախ ե՛ս ընդունեցի»: (Ս. Կր 15.3)



ՅԱՂԹԱԿԱՆ ԵԿԵՂԵՑԻՈՅ ԿԵՐՏԻՉՆԵՐ

Ս. ՅԱԿՈԲ ՄԾԲՆԱՑԻ ՀԱՅՐԱՊԵՏ



Ս. Յակոբ Մծբնացի ծնած է Մծբին քաղաքին մէջ: Հայկական աղբիւրներու համաձայն, ան եղած է Ս. Գրիգոր Լուսաւորիչի հօրաքրոջը Խոսրովուհիի որդին:

Մանկութիւնը անցուցած է Կեսարիոյ մէջ եւ իր երիտասարդութեան առաջին տարիները նուիրած է ուսման:

Հոգեւորականի կրթութիւնը ստացած է Կեսարիոյ մէջ Սուրբ Գրիգոր Լուսաւորիչի հետ միասին, այնուհետեւ, 330-ին, Անտիոքի Մելիտոս Հայրապետին կողմէ եպիսկոպոս ձեռնադրուած է Մծբինի աթոռին համար:


Ան եղած է հմուտ կրօնապետ եւ իր անուան վերագրուած են շատ մը վարդապետական-ուսուցողական գրութիւններ, ճառեր, բարոյախօսականներ, որոնք հայերէնի թարգմանուած են Ե. դարուն:

Ս. Յակոբ ըլլալով հոռտոր, քաջ քարոզիչ, ճգնող եւ միաժամանակ հրաշագործ Հայրապետ մը մասնակցած է Նիկիոյ Տիեզերական Ա. ժողովին եւ մեծ համբաւ ունեցած:

Ըստ հրաշապատում աւանդութեան մը, ան երեք անգամ փորձած է բարձրանալ Արարատի գագաթը՝ Նոյեան Տապանէն մասունք մը ապահովելու համար, սակայն վերելքին նուաճումը անկարելի ըլլալով, Աստուածային միջամտութեամբ հրեշտակ մը անոր յանձնած է մասունքը, որ մինչեւ այսօր իբրեւ սրբութիւն կը պահուի Ս. Էջմիածնի գանձատան մէջ:

Աւելին, Ս. Յակոբ Մծբնացի Հայրապետ շատ մը հրաշքներ կատարած է, որոնք մեզի հասած են աւանդաբար, եւ այդ պատճառով, իր ողջութեան իսկ կոչուած է Հրաշագործ Հայրապետ: Վախճանած է 338ին:

Ս. ՊԵՏՐՈՍ ԵՒ Ս. ՊՕՂՈՍ ԱՌԱՔԵԱԼՆԵՐ



Պետրոս առաքեալ Քրիստոսի աշակերտներուն մէջ ամենէն խիզախն ու համարձակն էր, որ քաջութեամբ դաւանեցաւ Քրիստոսը, որպէս «Կենդանի Աստուծոյ Որդին» (Մտ 16:16), եւ այդ իսկ պատճառով կոչուեցաւ «Կեփաս»՝ ժայռ, որ խորհրդանիշն է քրիստոնէական ամուր հաւատքին, եւ որուն վրայ պիտի կառուցուէր Քրիստոսի եկեղեցին (Մտ 16:18):

Պետրոս առաքեալ, նախքան առաքելութեան կանչուիլը, կը կոչուէր Սիմոն. գալիլիացի ձկնորս մըն էր եւ կ'ապրէր Կափառնայում քաղաքին մէջ: Յիսուս երբ Գալիլիոյ լիճին եզերքէն կ'անցնէր, տեսնելով Պետրոսը եւ իր եղբայրը, որոնք ձկնորսութիւն կ'ընէին, կանչեց իր մօտ եւ «մարդու որսորդ» ի կոչումը տուաւ անոնց:

Պետրոս իր եղբորը հետ հետեւեցաւ Քրիստոսի եւ Անոր առաքելութեան երեք տարիներուն՝ զգալի ներկայութիւն դարձաւ, սակայն Քրիստոսի աշակերտներուն մէջ եղաւ միակը, որ երիցս ուրացաւ իր Վարդապետը, բայց աւելի ուշ, վերահաստատեց իր առաքելի կոչումը, երբ Յիսուս ըսաւ անոր. «Արած է իմ ոչխարներս» (Յհ. 21:15-18): Այսպիսով, ան մեծ դերակատարութիւն ունեցաւ Քրիստոսի եկեղեցւոյ հիմնադրութեան մէջ:

Աւանդութեան համաձայն, Պետրոս առաքեալ նահատակուեցաւ Հռոմի մէջ, գլխիվայր խաչուելով:

Ս. ՍՏԵՓԱՆՈՍ

Ս. Ստեփանոս Նախավկայ սարկաւազը մէկն էր այն եօթը երիտասարդ քրիստոնէաներէն, որոնք Երուսաղէմի Եկեղեցւոյ կողմէ սարկաւազ ընտրուեցան ժողովուրդին սպասաւորելու համար:

Ս. Ստեփանոս Սուրբ Հոգիի շնորհքներով ու զօրութեամբ լեցուն անձ մըն էր եւ Յիսուս Քրիստոսի մասին կը վկայէր ոչ միայն խօսքով, այլեւ զարմանալի գործերով ու նշաններով:

Անոր քարոզներն ու յանդուգն կեցուածքները, իմաստութիւնն ու հաստատակամութիւնը գրգռեցին փարիսեցիներն ու դպիրները, եւ անոնք Ս. Ստեփանոսը, որպէս հայիոյիչ եւ հերձուածող, դատապարտեցին մահուան:

Այսպիսով, Ս. Ստեփանոս եղաւ քրիստոնէական հաւատքի առաջին նահատակը, այդ իսկ պատճառով, եկեղեցին զայն կը կոչէ Նախավկայ Սարկաւազ:



Պօղոս առաքեալ նախապէս կը կոչուէր Սօղոս. ծնած է Կիլիկիոյ Տարսոն քաղաքը, սնած Երուսաղէմի մէջ, Գամաղիէլ քահանայապետին ձեռքին տակ, հրեական օրէնքով (Գրծ 22.3):

Քրիստոնէական եկեղեցւոյ առաջին շրջանին, Պօղոս առաքելի մեծագոյն մտահոգութիւնը եղած է հալածել քրիստոնէաները եւ հրեական կրօնքին վերադարձնել: Ան Երուսաղէմի մէջ ճանչցուած էր բուռն հակառակորդ նոր կրօնքին:

Դամասկոսի ճամբուն վրայ, երբ Քրիստոս կը յայտնուի իրեն, ան դարձի կու գայ եւ կը դառնայ մեծագոյն քարոզիչը քրիստոնէութեան: Պօղոս առաքեալ կը կազմակերպէ ճամբորդութիւններ, որոնք կ'ըլլան իր առաքելութեան ամենէն գործօն ժամանակները: Ան կը հիմնէ եկեղեցիներ եւ իր ճամբորդութիւններէն ետք նամակներ յղելով անոնց, կը քաջալերէ եւ կը հաստատէ քրիստոնէական ուսուցումները:

Պօղոս առաքելի նամակները Նոր Կտակարանին մէջ թիւով 14 հաստ են:

Գործք Առաքելոց գիրքը կը պատմէ Պօղոս առաքելի կատարած երեք ճամբորդութիւնները, ապա ներկայացնելով Պօղոսի վերջին ճամբորդութիւնը՝ կը փակէ գիրքը:

Աւանդութեան համաձայն, Պօղոս կը հասնի մինչեւ Սպանիա, ապա, վերադառնալով Հռոմ, այնտեղ սուրով կը նահատակուի:



ՌԻՍԱՌՈՐԻՉ

ԵՐԻՏԱՍԱՐԴԱԿԱՆ

ԺԱՄԱՆԱԿ



Ժամանակի խորհուրդին դիմաց գիտնականներն անգամ կը սքանչանան: Ի՞նչ է Ժամանակը: Ե՞րբ սկիզբ առաւ: Վերջ ունի:

Այսօր, գիտութիւնը կը համաձայնի Աստուածաշնչական այն հաստատումին հետ, թէ ժամանակը սկիզբ ունի, ունի նաեւ վախճան:

Այսօր, բնագէտ-ֆիզիկոսներ կ'ընդունին, թէ ժամանակը անբացատրելի հանելուկ մըն է, որպէս չորրորդ տարածք (dimension):

Երեք տարածքները՝ բարձրութիւն, լայնութիւն եւ խորութիւն նուաճելի են, սակայն ժամանակը աննուաճելի կը լինայ. ոչ կրնանք ներկան կեցնել, ոչ կրնանք անցեալը վերադարձնել, եւ ոչ ալ ապագան արագացնել: Ժամանակը մեր վրայ գերիշխող է եւ անոր թաւալումին հետ ստիպուած ենք ընթանալու:

Աստուած, որպէս «Մկիզբին» ժամանակին ստեղծիչը (Գիրք Օսնդոց 1.1), ժամանակէն դուրս է եւ մեծ, եւ միակն է, որ ժամանակէն չազդուիր, այլ, ընդհակառակը, զայն կ'առաջնորդէ դէպի իր վախճանաբանական նպատակակէտը:

Արդարեւ, Սուրբ Գիրքի երկու կողքերուն միջեւ կը նկատենք, թէ Աստուած ինչպէս կը գործէ եւ իր ծրագիրը կը յառաջացնէ, ամէն բանի համար ժամանակ սահմանելով եւ ամէն բան իր ճիշդ ժամանակին իրականացնելով: Եւ այդպէս, երբ յարմար «ժամանակը եկաւ», Աստուած իր Միածինը դրկեց աշխարհ, մարդոց փրկութեան համար (Գաղատացիներու նամակ 4):

Արդ, ժամանակը Աստուծոյ ձեռքերուն մէջ պարզապէս կարճ գծիկ մըն է, որուն սկիզբն ու վախճանը եւ ընթացքը միայն

Աստուած կը տեսնէ, եւ այդ իմաստով ալ՝ մեզի կը թելադրէ ի՞ր ժամանակացոյցին հետեւիլ: Աստուած մեր ժամանակացոյցէն կախեալ չէ: Մեր խնդրածը մեր ուզած ժամանակին յաճախ չի կատարեր, բայց եւ այնպէս միշտ կը յայտնուի ճիշդ ժամանակին, Ի՞ր ժամանակին: Ամէն բանի ժամանակը կայ, կ'ըսէ ժողովողը:

Հայոց մեծ բանաստեղծ՝ Պարոյր Սեւակ անուղղակիօրէն կ'ակնարկէ այս իրողութեան, երբ կը խօսի հանճարներու մասին, ըսելով. «Ո՛ր 12-ն 12 են գալիս, բայց ոչ ուշացած, ծնունդ են նրանք ճիշդ ժամանակին:» Պարոյր Սեւակ նկատած էր, թէ՛ ինչ որ մէկը կայ ժամանակը կառավարող է ճիշդ ժամանակին մարդկութեան հասնող:

Իմաստուն մը ըսած է. «Ի՞նչ է ժամանակը, եթէ ոչ յաւիտենականութեան մէջ բացուած փակագիծ մը...»:

Ժամանակը անյաղթահարելի եւ աննուաճելի է, այո: Անիկա միայն յաւիտենականութեան մէջ կը կլանուի, որովհետեւ ժամանակը ուրիշ բան չէ, եթէ ոչ առիթ մը՝ մեզ յաւիտենականին պատրաստող: Հետաքրքրական է նկատել նաեւ, թէ տարբեր տարիքի տարբեր ձեռով կ'ըմբռնենք ժամանակը, եւ տարբեր արժէք կը ներկայացնէ մեզի համար: Մանուկին համար ժամանակ գոյութիւն չունի: Երիտասարդին համար շատ ժամանակ կայ տակաւին: Տարեցին համար՝ ամէն մէկ օրն ու վայրկեանը պարզեւ մըն է:

Արդ, որպէս ժամանակի թաւալումին մէջ ապրող, ժամանակին ենթակայ եւ ժամանակը լաւապէս տնտեսելու կոչուած մարդ արարածներ, որ յաճախ «ժամանակ չունիմ»ը դարձուցած ենք կեանքի նշանաբան, հարց տանք մենք մեզի, թէ ի՞նչ բանի ժամանակ ունինք եւ ի՞նչ բանի ոչ: Ժամանակ ունի նք մեր ընտանիքին, մեր զաւակներուն եւ Աստուծոյ տրամադրելիք, որոնք կեանքի անհրաժեշտութիւններն են, իսկական արժէքները, թէ՛ անմիջական գործեր ունինք եւ պայմանաժամեր լրացնելիք: Ժամանակի իմաստուն տնտեսը, միշտ կ'ընտրէ անհրաժեշտը եւ ոչ անմիջականը:

ԳԵՂԱՐԴ ԾԱՅՐԱԳՈՅՆ ՎԱՐԴԱՊԵՏ ՔԻՒՍՊԷԿԵԱՆ



ԵՐԻՏԱՍԱՐԴԱԿԱՆ ԱՅՑ ԴԷՊԻ ՀԱՅՐԵՆԻՔ

YOUTH MISSION TRIP: ARMENIA

Հովանաւորութեամբ
Գերաշնորհ Ս. Բարզէն Արք. Չարեանի
Առաջնորդ Գանատայի Հայոց Թեմի

Կազմակերպութեամբ՝ Ազգային Առաջնորդարանի
Երիտասարդական Բաժանմունքին

ԵՐԻՏԱՍԱՐԴԱԿԱՆ ԱՅՑ ԴԷՊԻ ՀԱՅՐԵՆԻՔ
18-35 տարեկաններու համար
26 ՅՈՒՆԻՍ - 12 ՅՈՒԼԻՍ 2020

Մասնակցութեան սակ՝ \$2,000 (առաւել թոյիչք)
Հեռաձայնեցէք՝ 514-856-1200 թիւին
Գրեցէք՝ vicar@armenianprelacy.ca

Under the Auspices of
His Eminence Archbishop Papken Tcharian
Prelate of Canada

Organized by the Youth Ministry of the Armenian Prelacy

YOUTH MISSION TOUR: ARMENIA
For the Youth aged 18-35
June 26 - July 12, 2020


Participation fee: \$2,000 (plus airfare)
For more information call 514-856-1200
E-mail: vicar@armenianprelacy.ca



ՈՒՍԱԲՈՐԻՉ

ՄԱՆԿԱՊԱՏԱՆԵԿԱՆ

Յիսուս Պետրոսին եւ Անդրէասին ըսաւ.- «Եկէ՛ք ինձի հետ եւ ես ձեզի մարդու որսորդ պիտի ընեն»:
Պետրոսն ու Անդրէասը որ խամբով պէտք է երթան գործելու համար Յիսուսը:
'Կարդա՛ Մատթէոս 4.18-20 համարները:



Հովանաորութեամբ
ԳԵՐԱՇՆՈՐՀ Տ. ԲԱՐԳԷՆ ԱՐԲ. ՉԱՐԵԱՆԻ
Առաջնորդ
Գանատայի Հայոց Թեմի

Քրիստոնէական Դաստիարակութեան Բաժանմունքը կը ներկայացնէ՝

ԿՐՕՆԱԳԻՏԱԿԱՆ ԴԱՍԸՆԹԱՑՔ

Ներածութիւն Հին և Նոր կտակարաններու
Համառոտ Պատմութիւն Հայ Եկեղեցւոյ
Քրիստոնէական Գիտելիքներ
Գրաբարի Գործնական Դասընթացք
Պատմութիւն Հայոց Հին Մատենագրութեան

Սկսեալ՝ 3 Փետրուար 2020-էն
Ամէն Երկուշաբթի երեկոները ժամը 20:00 - 21:30
Ազգային Առաջնորդարանի
«Երուանդ և Անի Պատմաճեան» Դահլիճէն ներս

Մանրամասնութեան համար գրել՝ Prelacy@armenianprelacy.ca հասցէին



Ազգային Առաջնորդարան
Armenian Prelacy of Canada
Prelature Armenienne du Canada



514-856-1200
prelacy@armenianprelacy.ca
www.armenianprelacy.ca



Խմբագիր՝ Քրիստափոր Միքայէլեան
3401 Olivar Asselin
Montreal, Quebec H4J 1L5